

ქართული კულტურა XVIII საუკუნის მეორე ნახევარში

XVIII ს. მეორე ნახევარი როგორც აღმოსავლეთ, ისე დასავლეთ საქართველოში პოლიტიკური და ეკონომიკური აღმავლობის ხანა იყო. ხელსაყრელი პირობები შეიქმნა კულტურის განვითარებისათვის. მიმდინარეობდა ევროპული კულტურის ათვისებისა და აღმოსავლური მაჰმადიანური კულტურის გავლენისაგან თავის დაღწევის პროცესი. ძლიერდება ეროვნული მოტივები.

1. სწავლა-განათლება. სასტამბო და სააკადემიო საქმე

ქართლ-კახეთის ხელისუფლებამ სერიოზული ყურადღება მიაქცია სწავლა-განათლების საქმეს. დაფუძნდა რამდენიმე სასწავლებელი. 1755 წელს თბილისში დაარსდა სასულიერო სემინარია, რომელმაც ბინა დაიღო ანჩისხატის ეზოში, კათალიკოსის სასახლეებთან მდებარე სპეციალურ შენობაში. იქ ისწავლებოდა ღვთისმეტყველება, ქართული ენა, გრამატიკა, ფილოსოფია, გალობა, ლოგიკა, ფიზიკა და მათემატიკა. სემინარიის პირველი რექტორი იყო ცნობილი სწავლული ფილიპე ყაითმაზაშვილი. სემინარია ალა-მაჰმად ხანის შემოსევის დროს განადგურდა.

1758 წელს თელავში გაიხსნა სასულიერო სასწავლებელი, რომელიც 1782 წელს გადაკეთდა ფილოსოფიურ სემინარიად. მისი პირველი რექტორი იყო გაიოზი (1782—1783 წწ.) — გაიოზ რექტორის სახელით ცნობილი. იგი იმ ჯგუფის წევრი იყო, რომელიც 1772 წელს ანტონ კათალიკოსს გაჰყვა რუსეთში. გაიოზმა განათლება ჯერ თბილისის სემინარიაში, შემდეგ კი მოსკოვის სასულიერო აკადემიაში მიიღო. ფლობდა ბერძნულ, ლათინურ, რუსულ ენებს. იგი იყო ინიციატორი თელავში სემინარიის გახსნისა. მისი ორიგინალური

ოსზულებებიდან ცნობილია „საქართველოს ისტორია“, მოკლე ქართული გრამატიკა, ანტონ კათალიკოსის „წყობილიტყვაობის“ წინასიტყვაობა, საეკლესიო ქადაგებანი. ნათარგმნი ლიტერატურიდან უნდა დავასახელოთ სოლომონის სიბრძნეთა თარგმანები, ძველი აღმოსავლეთის ისტორია, ევროპის ქალაქთა ლექსიკონი და სხვ.

თელავის სემინარია სახელმწიფო ხარჯზე არსებობდა, წილს იღებდა ეკლესიის შემოსავლიდანაც, ეხმარებოდნენ კერძო პირებიც. სწავლება სალექციო ხასიათისა იყო, ცოდნის შემოწმება გამოცდის გზით ხდებოდა. წარჩინებულ მოსწავლეებს ხშირად აჯილდოებდნენ.

ანტონ კათალიკოსმა სემინარიებისათვის რამდენიმე ორიგინალური სახელმძღვანელო შეადგინა.

ანტონი (ერისკაცობაში თეიმურაზ ბაგრატიონი) (1720—1788 წწ.)

— ცნობილი მწერალი, მეცნიერი, ღვთისმეტყველი, საეკლესიო და სახელმწიფო მოღვაწე, ვახტანგის ძმის — იესესა და ერეკლე I ნაზარალიხანის ასულის, ელისაბედის ვაჟი იყო. 1739 წელს ბერად აღიკვეცა გელათში. 1744 წელს სრულიად საქართველოს კათალიკოს-პატრიარქი გახდა. „ევროპეიზმის“ დანერგვის მოსურნე ანტონ I თბილისში მყოფ კათოლიკე მისიონერებს დაუახლოვდა და კათოლიკობა მიიღო. მისმა მოწინააღმდეგეებმა კარის მოძღვარ ზაქარია გაბაშვილის (ბესიკის მამა) მეთაურობით 1755 წელს შეძლეს მისი კათალიკოსობიდან გადაყენება. 1756 წელს იგი პეტერბურგს გაემგზავრა. 1764 წელს ერეკლე მეფის მოწვევით კვლავ საქართველოში ჩამოვიდა და კათალიკოსის ტახტი დაიბრუნა. ანტონ I ფლობდა ბერძნულ, ლათინურ, თურქულ, სპარსულ, რუსულ ენებს და თარგმნიდა ამ ენებიდან. საფუძვლიანად იცნობდა ევროპულ და რუსულ საღვთისმეტყველო ლიტერატურას. 1772 წელს ერეკლემ დიპლომატიური მისიით გაგზავნა რუსეთში. მონაწილეობდა 1783 წლის ტრაქტატის მომზადებაში.

ანტონ I მიერ მომზადებული სახელმძღვანელოებიდან უნდა დავასახელოთ „კატეხიზისი“, „ღვთისმეტყველების“ 4 ტომი, აგებული, უმთავრესად, ფრანგული საღვთისმეტყველო ენციკლოპედიის საფუძველზე, ქართული ენის გრამატიკა. ანტონმა სახელმძღვანელოს სახე მისცა ფილოსოფიურ ნაწარმოებს „კატელორიათა არისტოტელისთა შეყუანილება“, რუსულიდან ქართულად თარგმნა ვოლფის „ფიზიკა“, ბაუმისტერის „ლოგიკა“. ამ ორი უკანასკნელი ნაშრომის ქართულად

თარგმნა იმის მაუწყებელი იყო, რომ ქართული ფილოსოფიური და საბუნებისმეტყველო აზროვნება სქოლასტიკისაგან თავისუფლდებოდა.

სახელმწიფო სასწავლო დაწესებულებათა გარდა, ქართლ-კახეთში კერძო სკოლებიც არსებობდა, სადაც ქართველებთან ერთად სომხები და მაჰმადიანებიც სწავლობდნენ. იქ ასწავლიდნენ საღვთო სჯულს, ქართულ ენას, გრამატიკას, არითმეტიკას. თბილისში 1778 წელს გახსნილ კერძო სკოლაში რუსულ ენასაც ასწავლიდნენ, რაც სამეფო კარის პოლიტიკურ ორიენტაციას შეესაბამებოდა.

ცალკე არსებობდა კათოლიკეთა კერძო სკოლა, რომელმაც თეიმურაზ II მიერ ქართლ-კახეთიდან კათოლიკეთა განდევნის (1755 წ.) შემდეგ არსებობა შეწყვიტა. 60-იან წლებში ერეკლე შეეცადა ქართლში კათოლიკეთა დაბრუნებას და მათი მეშვეობით ქართულ სკოლებში უცხო ენების სწავლებას.

წერა-კითხვას და გალობას ასწავლიდნენ ეკლესია-მონასტრებთან არსებულ სკოლებში, სადაც სწავლის ხარჯს მოსწავლეთა მშობლები იხდიდნენ.

მსხვილ საეკლესიო ცენტრებთან არსებობდა სკოლები დასავლეთ საქართველოშიც. აქ ახალგაზრდებს სასულიერო სარბიელზე მოღვაწეობისათვის ამზადებდნენ. დიდი ყურადღება ექცეოდა უცხო ენების შესწავლას, რაც, შემეცნებით ინტერესთან ერთად, განპირობებული იყო უცხოეთის ქვეყნებთან გაცხოველებული ურთიერთობითაც. უცხო ენებს (თურქულს, რუსულს, ფრანგულს და სხვ.) ფლობდნენ იმერეთის ელჩები, სამეფო კარის მოხელეთა და ვაჭართა ნაწილი. როგორც ჩანს, ენის შესწავლის მიზანს ემსახურებოდა XVIII ს. 80-90-იან წლებში ვარძიის (იმერეთში) მონასტერში აღვილობრივი პირის მიერ შექმნილი „ქართულ-თურქული სასწავლო წიგნი“.

ფეოდალთა წრეში ფართოდ იყო გავრცელებული გაძიძაება, როგორც აღზრდა-განათლების პირველი საფეხური. ძიძის შემდეგ ბავშვს რომელიმე სასულიერო პირს ან ფეოდალს მიაბარებდნენ ხოლმე აღსაზრდელად და გასაწვრთნელად. მაგალითად, სოლომონ I ძე — ალექსანდრე გიორგი წულუკიძეს ჰყავდა მიბარებული. საისტორიო წყაროთა ცნობებიდან ჩანს, რომ დაუსრულებელი ომიანობის გამო ვაჟები ძირითადად სამხედრო საქმით იყვნენ დაკავებული, ქალები უფრო მეტად ცდილობდნენ წერა-კითხვის შესწავლას.

1799 წელს იოანე ბატონიშვილმა უმაღლესი სასწავლებლის გახსნის იდეა წამოაყენა. მისი აზრით, ასეთი სასწავლებლები უნდა არ-

სებულყოფი თბილისში, გორსა და თელავში. მაგრამ ამ აზრს, ისევე როგორც ქვეყნის სახელმწიფოებრივი და ეკონომიკური ცხოვრების გარდაქმნის პროექტებს, განხორციელება არ ეწერა.

1749 წელს თბილისში განახლდა XVIII ს. 20-იან წლებში გაუქმებული სტამბა. დაიბეჭდა „დავითნი“. დაიწყო ახალი პერიოდი ქართული სტამბის ისტორიაში. ყურადღება ექცეოდა როგორც ტექსტის სტილისტურ დამუშავებას „ღრამატიკისა კანონთა ზედა“, ასევე წიგნის მხატვრულ ვაფორმებას. სტამბაში შემოიღეს წიგნის გამფორმების სპეციალური თანამდებობა. ცნობილია მხატვარი იოანე, რომელმაც განაახლა წიგნის ვაფორმების ტრადიცია და მორთო 1749—1755 წწ. გამოცემული ტიპიკონი.

1782—1794 წლებში სტამბაში შეცვალეს მოძველებული მანქანა-იარაღები და შრიფტი. კონსტანტინოპოლიდან მოწვეულმა ოსტატმა ქართული სტამბისათვის ნუსხური და მხედრული შრიფტი ჩამოასხა. 80-იანი წლებისათვის სტამბის მუშაკთა შორის იხსენიებიან „მესტამბეთ-უზუცისი“, „ბეჭდვის ზედამდგომელი“, „სტამბის სახმართა ზედა გამრჯელი“, „ღრამატიკულ კანონზე შემსწორებლები“ და სხვ.

თბილისის სტამბაში მაღალ დონეზე იდგა სასტამბო საქმის სწავლება. საგანგებოდ მოუწვევიათ სასტამბო ხელობის მცოდნე პირები, რომლებიც სტამბის მუშაკებს ამზადებდნენ და გარკვეული პრივილეგიებითაც სარგებლობდნენ.

XVIII ს. 80-იან წლებში თბილისის სტამბაში კიდევ ერთი ცვლილება მოხდა: თუ მანამდე იგი სახელმწიფოს ხელში იყო, ამიერიდან მოიჯარადრე ქრისტეფორე კვეყრაშვილის ხელში გადასულა, რომელიც თავის თავს სტამბის „ზედამხედველს“ უწოდებს. მას „საკუთარი საფასით“ დაუბეჭდავს სახარება, დავითნი, ყამნი, სამოციქულო, მარხვანი. ამას გარდა, სტამბას ერეკლე მეორის „საფასეთა წარდგენით“ სხვა წიგნებიც დაუბეჭდავს. ახალი სტამბიდან სულ 10.000 ცალამდე წიგნი გამოსულა.

ქართული სტამბაც ალა-მაჰმად ხანის შემოსევის დროს დაინგრა, 1795 წელს. მისი ადღგენა მხოლოდ 4 წლის შემდეგ მოხერხდა ქრისტეფორე ბაღრიძის თაოსნობით.

XVIII ს. მიწურულს სტამბა დაარსდა ქუთაისშიც, „პალატსა სამეფოსა“. სტამბისათვის საჭირო მოწყობილობა მოსკოვიდან ჩამოიტანა სოლომონ II მიერ გაგზავნილმა გიორგი პაიჭაძემ.

ქართული წიგნი უცხოეთშიც იბეჭდებოდა. 1786 წელს ეპისკოპოსმა გიორგი ხარჭაშენელმა პეტერბურგში გახსნა ქართული სტამბა. გაიზო რექტორმა საკუთარი სახსრებით დააარსა სტამბა მოზდოკში. სტამბური წიგნი ჯერ კიდევ ვერ აქმაყოფილებდა სრულად წიგნზე მოთხოვნილებას. კვლავ ვითარდებოდა კალიგრაფიული საქმე. წიგნების გადაწერა შემოსავლის მნიშვნელოვან წყაროდ იქცა. წიგნის გადაწერა დასი ჩამოუყალიბებია იესე ბარათაშვილს. მას ჰყოლია 30 შევირდი-გადამწერი — „ზოგი სამღუდლო და ზოგი საერო“, რომელთაც ერთნაირი ტანსაცმელი სცმიათ — „ქალსა და კაცსა მუდის ტოლომა და ლაინის კაბა, ახალუხი“. „სამღუდლოს წიგნებს ვწერდი, ვყიდდი და ამით მოვირეწდიო“, — წერს იესე ბარათაშვილი. კალიგრაფთა კერებიდან განსაკუთრებით ცნობილია მესხიშვილთა საკალიგრაფიო სკოლა. ამ დინასტიის მეთაურია ალექსი გრიგოლის ძე მესხიშვილი — ანჩისხატის დეკანოზი (მესხიშვილთა მოღვაწეობა ძირითადად ანჩისხატის ტაძართანაა დაკავშირებული). იოანე ბატონიშვილის „კალმასობაში“ მის შესახებ ნათქვამია: „ესე იყო მეცნიერისა და მხედრულისა, რომელიცა ღირს ქებისა არს ნაწერებისაგან“. ალექსის გადაწერილი აქვს როგორც სასულიერო, ისე საერო წიგნები და საბუთებიც. ყველა მათგანი კალიგრაფიული ნაწერი არ არის, ზოგიერთი შესრულებულია სწრაფი ხელით. ალექსი შეიძლება ჩაითვალოს XVIII ს. ქართული ნუსხური ხელნაწერი წიგნის ერთ-ერთ საუკეთესო ოსტატად. მისი ნუსხური საგარძნობლად დახრილია, ლამაზი, ისეთი ვირტუოზული სიზუსტით ნაწერი, თითქოს ავტომატის შესრულებული იყოს. განსაკუთრებით საოცარია ოთხთავის მინიატურული ხელნაწერი, ზომით 5.5x4 სმ, რომლის ტექსტი მიკროსკოპული ნუსხურითაა ნაწერი ორ სვეტად, შავი მეღნიით. მისი წაკითხვა გამადიდებელი შუშის გარეშე შეუძლებელია. როგორც ვ. ბერიძე აღნიშნავს, ეს ხელნაწერი არა მარტო დახელოვნების ნაყოფია, არამედ უსაზღვრო მოთმინებისა და რწმენისა. მხედრულად ნაწერ წიგნთაგან აღსანიშნავია აგრეთვე საბას ლექსიკონი: მას დართული აქვს თვით საბას პორტრეტი — როგორც ჩანს, ალექსისავე ხელით შესრულებული. საერთოდ, ალექსის ბევრ წიგნს ახლავს ილუსტრაციები, რომლებსაც, თუმცა ისინი ხელოსნურ იერს ატარებენ, დიდი კულტურულ-ისტორიული ღირებულება გააჩნიათ (განსაკუთრებით — საბასა და ქართველ წმინდანთა პორტრეტებს).

შესანიშნავი კალიგრაფები იყვნენ ალექსის ვაჟებიც — სოლომონი და დავითი (იგივე დავით რექტორი, რომელიც 1790—1801 წწ. სათავეში ედგა თელავის სემინარიას), რომელთა შესახებ იგივე „კალმასობა“ გვეუბნება: „მათაც ისწავლეს ხუცურისა და მხედრულის წერა, გარნა მხედრულის წერა, გარნა მხედრულის წერასა შინა ჯერეთცა არც ძველად და არც ახლად არიან თქმულა უკეთეს ამათსა, და მეტადრე სოლომონ დეკანოზისა“. თეიმურაზ ბაგრატიონი (გიორგი XII — ძე) ასე ახასიათებს სოლომონის ერთ-ერთ ხელნაწერს: „...მრგვალის-ხელით ესრეთი წერილი არს, რომელ დღესაც, რომელიც ქართველთაგანნი წერის ხელოვნებაში ქებულნი არიან, ყოველთავე ასე უთქვამს და ასე იტყვიან, რომელ ეგვიპთარი მშვენიერი ხელით წერილი ძნელად შესაძლებელ არს, რომ დავწეროს ვისმე, რომელნიც რჩეულნი და ჩინებულნი მწერალნი არიან ანუ ყოფილანო“.

ცნობილი კალიგრაფები იყვნენ აგრეთვე მიქაძენი (ნიკოლაოზი — თბილისის სიონის დეკანოზი და მისი ძმა ზაქარია — ბერობაში ამბროსი ნეკრესელი), თბილისის ჯვრის საყდრის დეკანოზი იოანე მოძღვრიშვილი, იოანე ოსეს ძე, ტრიფილე, ნიკოლოზ მაღალაძე, იესე ოსეშილი და სხვ.

დასავლეთ საქართველოში წიგნების გადაწერა-შემკობის ძირითადი ცენტრები იყო ქუთაისში, გელათში, კაცხში, ჯრუჭში, ჭელიში, ნიკორწმინდაში, ლეჩხუმში, მარტვილში, შემოქმედსა და სხვაგან.

ეკლესია-მონასტრებთან მდიდარი წიგნსაცავები არსებობდა. მრავალი წიგნი ინახებოდა დავით გარეჯის მონასტრებში, თბილისის სიონში, შიომღვიმეში, მცხეთის საკათალიკოსო ბიბლიოთეკაში, გელათში, მარტვილის, ხობის, ცაიშის, ხონის მონასტრებში, გურიის იოანე ნათლისმცემლის უდაბნოში, შემოქმედის მონასტერში. ანტონ კათალიკოსის წიგნსაცავში, რომელიც სპარსელებმა გაანადგურეს 1795 წელს, დაახლოებით 7.000 ტომი ინახებოდა.

მდიდარი ბიბლიოთეკები ჰქონდათ კერძო პირებსაც: იესე ოსეს ძეს, მზეჭაბუკ ორბელიანს, დავით ორბელიანს, დადიანებს, გურიელებს, რაჭის ერისთავს.

ეკლესია-მონასტრებში თავს იყრიდა აგრეთვე სხვადასხვა სახის სიძველენი. XVIII ს. დასაწყისიდან სამეფო სალაროსთან („ბატონის სალარო“) არსებობდა საცავი, სადაც ინახებოდა შემთხვევით აღმო-

ჩენილი სამარხეული თუ სხვა ნივთები, აგრეთვე ბუნების საოცრე-
ბანი. ერეკლე მეორის დროს ასეთი საცავის არსებობაზე მოგვითხ-
რობს თეიმურაზ ბაგრატიონი: „სხვათა და სხვათა ჟამთა შინა ივე-
რიისათა, რომელთაცა ჩვეულებანი ძველთა ქართლისიანთა უწყე-
ბულ არიან და არათუ მხოლოდ ძველთა ჟამთა, ახალთაცა ამათ სა-
უკუნეთა იპოვნენს რაოდენნიმე მეფობასა შინა ირაკლი მეორისასა
კერპ მსახურებისა ჟამსა შინა დაფულენი მკვდარნი და ფულნი პი-
რთა შინა დებულნი მათნი, და რომელნიმე რკინისა საჭურველთაგან-
ნი დაშთომილნი განუხრწნელად, იცვებოდეს საღაროსა შინა მე-
ფის ირაკლისასა ტფილისს და მოსვლასა შინა ალა მაჰმადხან ყაჯრი-
სასა წარწყმედილ იქმნეს“.

XVIII ს. ბოლოს მომწიფდა აზრი, რომ უნდა შექმნილიყო „წე-
რილების საცავი სახლი“, იგივე „არხივი“, ბიბლიოთეკა და მუზეუმი.
1799 წელს იოანე ბატონიშვილი წერდა გიორგი XII: „ეგრეთვე იყოს
ბიბლიოტიკას სახლი, ყოველი საერო და საეკლესიო წიგნი რაც შე-
იძლებოდეს იქ იცვებოდეს, აგრეთვე სახეები და მაგალითები მხა-
ტვრობებისა და სხუათა ხელოვნებათა, და ვისაც ენებოს მივიდოდის
და თვისით ხარჯით იქ გადაწერდნენ და გარდაიღებდნენ სახეთა, რომ
გარე გატანით წიგნი არ დაიკარგოს“.

II. მატერიალი

ისტორიოგრაფია. XVIII ს. მეორე ნახევარში ორი სა-
ყურადღებო საისტორიო თხზულება შეიქმნა: პაპუნა ორბელიანის
„ამბავნი ქართლისანი“ და ომან მდივანბეგ ხერხეულიძის „მეფობა
ირაკლი მეორისა“.

პაპუნა ორბელიანის თხზულება სეხნია ჩხეიძის 1739 წლით შე-
წყვეტილი ისტორიის გაგრძელებაა. იგი 1739—1759 წლების ამბებს
მოგვითხრობს. „მე პაპუნა ორბელიანმა ხელეპყავ აღწერად, პირვე-
ლად, რათა არა დაეწყებულ იქმნენ ესე ვითარნი ამბავნი და მეო-
რედ, შემდგომნი ჩვენნი მოიხსენიებდენ ესეოდენთა ჟამთა, ვითარე-
ბათა და ქცეულებათა, — გვეუბნება ავტორი, — არაოდეს ყოფილა-
რიან ესე ვითარნი იწროებანი ქართლისანი და მალადნი ცვალებ-
ბანი დამპყრობელთა და განმგეთა ქვეყანისა ჩვენისანი, მწარენი და
ძნაიანი მოხარკეობანი, რომელი მე ვიხილე თვალითა ჩემითა და
რომელიმე მომეთხრნეს სარწმუნოთა კაცთაგან“.

„ამბავნი ქართლისანი“ უმთავრესად აღმოსავლეთ საქართველოს
პოლიტიკურ ისტორიას გადმოგვცემს. მასში მოცემულია მასალა სა-
ხელმწიფო-ადმინისტრაციული და საეკლესიო წესწყობილების, სა-
გადასახადო სისტემის, აღებ-მიცემობის, სავაჭრო გზების შესახებ.
ავტორი მოთხრობილი ამბების თანამედროვეა, ეს კიდევ უფრო ზრდის
თხზულების მნიშვნელობას. ამავე დროს, იგი ამბის უბრალო მოხრო-
ბელი კი არ არის, არამედ ცდილობს გააანალიზოს ფაქტები და მო-
ვლენები. საყურადღებოა მიზანი, რომელსაც პაპუნა ორბელიანი ისა-
ხავდა: „რათა მოზარდულნი ქართლისანი განეკრძალნენ ქვეყანათა
თვისთა სიმტკიცისათვის, ვინადგან ესე ოდენი ჭირნი და იწროებანი
წარგუსდინ და იუწყებოდენ, თუ ვისგან და ვითა რომლისა მიზე-
ზითა იქმნეს ესე ყოფილი“.

ივ. ჯავახიშვილი მაღალ შეფასებას აძლევდა პაპუნა ორბელიანის
ნაშრომს: „პ. ორბელიანი ცხოვრებაში ჩახედული, ღრმა-მოაზროვნე
და ეროვნულ-საზოგადოებრივი გრძნობებით გამსჭვალული ისტორი-
კოსია... თამამად შეგვიძლია ვთქვათ, რომ აღორძინების ხანის ქა-
რთული საისტორიო მწერლობის მშვენიერად ვახუშტის შემდგომ სწო-
რედ პაპუნა ორბელიანი უნდა ჩაითვალოს“, — წერდა იგი.

ომან ხერხეულიძის ნაშრომში „მეფობა ირაკლი მეორისა“ თხრო-
ბა 1722 წლით იწყება და 1787 წლით მთავრდება. ერეკლეს მოღვა-
წეობიდან ავტორისათვის განსაკუთრებით მნიშვნელოვანია მისი მხე-
დართმთავრული ნიჭი, ერეკლეს მიერ გადახდილი ომები. ნაშრომი
ქრონიკის ხასიათისაა. ისტორიული ამბების თხრობა ძალზე მოკლეა
და მშრალი. ივ. ჯავახიშვილის აზრით, ამ თხზულებას გარკვეული
მნიშვნელობა აქვს ერეკლეს მოღვაწეობის შესასწავლად, განსაკუთ-
რებით — 1758 წლიდან მოყოლებული, თუმცა „ომან მდივანბეგ ხე-
რხეულიძის მატთანე ვითარცა საისტორიო ნაწარმოები, მაინცდამა-
ინც დიდი არაფერია და პაპუნა ორბელიანისას ხომ ძალიან ჩამოუ-
ვარდება“.

ამავე პერიოდში გადაიწერა „ქართლის ცხოვრების“ რამდენი-
მე ნუსხა — ბარათაშვილისეული, ფალავანდიშვილისეული და ჭალა-
შვილისეული. გადაიწერა ვახუშტი ბატონიშვილის თხზულებაც. შე-
დგა ქართულ ორიგინალურ ისტორიულ-გეოგრაფიულ თხზულებათა
ახალი კრებულები, როგორც იყო, მაგალითად, დავით რექტორის
მიერ შედგენილი საქართველოს მეზობელ მხარეთა აღწერილობა.

ასობით), იყო კლასიკური ტიპის აშული — თავად თხზავდა ლექსსა და მელოდიას, თავადვე უკრავდა და ამღერებდა მას. ერთხანს ერეკლეს აშული იყო, შემდეგ რატომღაც სასახლიდან დაითხოვეს. 1765 წელს ბერად აღიკვეცა ახპატის მონასტერში. ბერობაშიც აგრძელებდა აშულობას. საიათნოვას კოეზიაში ძირითადად სატრფიალო მოტივი, თუმცა მისთვის არც მოქალაქეობრივი, რელიგიური და დიდაქტიკური მოტივებია უცხო. მისი ლექსები უმთავრესად ავტობიოგრაფიული ხასიათისაა. საიათნოვამ, როგორც ნიჭიერმა ხელოვანმა, დიდი გავლენა იქონია შემდეგდროინდელ აშულურ პოეზიაზე საქართველოში.

ვითარდებოდა აგიოგრაფიული ლიტერატურა. ამ უნარს განეკუთვნება ანტონ I მიერ შედგენილი „მარტირია“ — 29 ქართველი წმინდანის ცხოვრების კრებული, და იამბიკოდ დაწერილი კრებული „პროლოგი“. ქრისტიანულ-მართლმადიდებლური დოგმების დაცვა-განმარტების ბრწყინვალე ნიმუშებია მისი ორი ნაწარმოები: დოგმატიკური ღვთისმეტყველება“ და პოლემიკური „მზა-მეტყველება“.

აქვე ორიოდ სიტყვით მოვისხენით ქართული ორატორული ხელოვნების უთვალსაჩინოესი წარმომადგენელი სოლომონ ლეონიძე (1754—1811 წწ.) — ერეკლე მეორის უახლოესი მრჩეველი, დიპლომატი, სახელმწიფო მსაჯული და მდივანი. მჭევრმეტყველების შესანიშნავი ძეგლია სიტყვა, წარმოთქმული მცხეთაში, ერეკლე მეორის დაკრძალვის დღეს — „მოთქმით ტირილი საქართველოს მეფის ღერკულეს ნეტარებისა ღირსისა“ (1798 წ.), რომელიც იშვიათი შთამბეჭდაობით გამოირჩევა.

4. ხელოვნება

XVIII ს. 40—50-იან წლებში ფართო მშენებლობა გაჩაღდა ქართლ-კახეთში. იმ დროის თვალსაჩინო ძეგლებია: ქალაქი სიღნაღი თავისი მონუმენტური გალავნით, თელავის ციხე-გალავანი და სამეფო სასახლე, დარეჯან დედოფლის ციხე-კოშკი „საჩინო“ თბილისში. მის მიერვე აშენებული ქოლავიანის გალავნიანი ციხე (თბილის-ბოლნისის გზაზე). 70-იან წლებში ნინოწმინდის ეკლესიის ეზოში აიგო ევროპული არქიტექტურის გავლენით დაპროექტებული და შესრულებული საბატონისეული სასახლე. 1805 წ. დასავლეთ საქართველოში მყოფი რუსი მოხელის — ლიტვინოვის ცნობით, ევროპული წესით ყოფილა აგებული დადიანის სასახლეც. არსებობს მსგავსი

ცნობები იმერეთის მეფის, გურიელის, როსტომ წერეთლის და სხვა ფეოდალთა სასახლეების შესახებაც.

ხუროთმოძღვრებისა და ხელოვნების იმდროინდელ ნიმუშებს დაკარგული ჰქონდათ აღრინდელი დიდებული, მოხდენილი ფორმები, მაგრამ ოსტატებს ასლის ძიების სურვილი არ დაუკარგავთ.

მიმდინარეობდა დანგრეულ ნაგებობათა აღდგენა-განახლებაც. თბილისში მუშაობდნენ ნარიყალას კოშკებისა და გალავნების, მეტეხის ციხის, მისი ტაძრისა და მეფის სასახლის აღსადგენად. თვითონ მეფე ერეკლე თბილისში ე. წ. როსტომისეულ სასახლეში ცხოვრობდა.

ანალოგიური ხასიათის სამუშაოებს საკმაოდ ფართო ხასიათი ჰქონდა დასავლეთ საქართველოშიც. XVIII ს. ბოლოს რესტავირებულ იქნა გელათის წმ. ნიკოლოზის ეკლესია, 1777 წელს — ვარძიის (იმერეთში) მონასტრის სამრეკლო. 1753 წ. რაჭის ერისთავმა როსტომმა ბარაკონის ეკლესია ააგებინა. სამონასტრო-საეკლესიო მშენებლობა მიმდინარეობდა აგრეთვე ლეჩხუმში და სამეგრელოში. გაიზარდა მოთხოვნილება ხუროთმოძღვრებზე, ქვითხურობებზე.

ვითარდებოდა მონუმენტური ფერწერა. მხატვარმა ნიკოლოზ აფხაზმა მოხატა ანანურის ეკლესია და რამდენიმე სხვა ტაძრის კანკელები, მანვე „განახლა სიფრთხილითა ანანურისა ეკლესიისა კედელზედ დახატული ძველად 13 ასურელთა მამათა ხატნი“. იხსენიებიან მხატვრები იობი, გრიგოლი (მუშაობდა შემოქმედის მონასტერში). რამდენიმე მოხატულობა შემორჩა რაჭასა და სამეგრელოში.

შედარებით მაღალ დონეზე იდგა ხელნაწერ წიგნთა მხატვრული გაფორმების საქმე, რომელიც ეროვნულ ტრადიციებს აგრძელებდა.

XVIII ს. მეორე ნახევარში ხელსაყრელი პირობები შეიქმნა სახიობისა და თეატრის განვითარებისათვის. იქმნება დრამატული ნაწარმოებები: პოეტი ქალის მანანას „ციებისა და ქალის ბასი“, ალექსანდრე ამილახერის პიესა „მოქმედება ასტრახანში“, ანონიმური პიესა „სამსახიობა რაინდისა“.

ერეკლე მეორის დროს სასახლის კარის სახიობას მეთაურობდა „უფროსი მსახიობთა, რომელსა დებდნენ მანახელად“. სამწუხაროდ, მანახელას სახელი და გვარი ისტორიას არ შემორჩა. კრწანისის ბრძოლაში თბილისელთა ერთ-ერთ რაზმს მეთაურობდა და მეომრებს თავისი ხელოვნებით აღაფრთოვანებდა იგი გმირულად დაიღუპა ამ ბრძოლაში.

სახიობის ცნობილი მგოსანი იყო იარალი შანშიაშვილი, დასს ამ-
შენებდა კარის აშული საიათნოვა.

რუსეთში ერეკლეს ელჩის ამაღლის ერთ-ერთ წევრს — გაბრიელ
მაიორს რუსეთიდან დაბრუნების შემდეგ მეფის სასახლის ახლოს თე-
ატრი გაუმართავს, სადაც მაყურებელი წარმოდგენებს ორშაურიათნი
ბილეთებით ესწრებოდა. ეს დასი წარმოდგენებს თელავშიც მართავ-
და. დგამდნენ საერო და სასულიერო (მისტიერიულ) დრამებს. გაბრიე-
ლი, რომელიც ერეკლეს „არტილერიის თავად“ დაუნიშნავს, კრწანი-
სის ბრძოლაში დაიღუპა.

XVIII ს. მიწურულს საფუძველი ჩაეყარა ქართულ დრამატულ
მწერლობას. თავდაპირველად, რადგან ქართული პიესები ცოტა იყო,
ხშირად მიმართავდნენ თარგმანს, განსაკუთრებით — რუსულიდან.
ამ დროს სამოღვაწეო ასპარეზზე გამოვიდა გიორგი ავალიშვილი
(1769—1850 წწ.) — მთარგმნელი და დრამატურგი, რომელმაც გა-
ნათლება რუსეთში მიიღო და ცხოვრების უმეტესი ნაწილიც იქ გაა-
ტარა. მან ქართულად თარგმნა ცნობილი რუსი დრამატურგის ა. სუ-
მაროკოვის კომედიები, თავად შექმნა და დადგა ორიგინალური ქარ-
თული პიესა „მეფე თეიმურაზი“. ჩვენამდე მოღწეულია გ. ავალიშვი-
ლის ლექსი, რომელსაც წარმოდგენის დაწყებამდე კითხულობდნენ.
იგი საგულისხმოა იმით, რომ გვაცნობს ავტორის აზრს თეატრის
პრაქტიკულ დანიშნულებაზე. ავალიშვილის თეატრში 1795 წელს
დაიდგა დავით ჩოლოყაშვილის (1734—1808 წწ.) მიერ რუსულიდან
თარგმნილი რასინის „იფილენია“. ხანმოკლე არსებობის მიუხედავად,
გიორგი ავალიშვილის თეატრი მნიშვნელოვანი მოვლენა იყო ქართუ-
ლი კულტურის ისტორიაში.

* * *

XVIII საუკუნით დამთავრდა ერთი დიდი ეტაპი ქართული კულ-
ტურის განვითარებაში. XIX საუკუნის დასაწყისში საქართველოს
ცხოვრებაში მომხდარმა უმნიშვნელოვანესმა ცვლილებებმა — სახე-
ლმწიფოებრიობის დაკარგვამ (1801 წ. რუსეთმა შეიერთა ქართლ-
კახეთის, 1810 წ. — იმერეთის სამეფოები) და ქართული ეკლესიის
ავტოკეფალიის გაუქმებამ (1811 წ.) არსებითად შეცვალა ქართული
კულტურის განვითარების პირობები და დასაბამი მისცა ახალ, რთუ-
ლსა და წინააღმდეგობებით აღსავსე ეტაპს ქართული კულტურის ის-
ტორიაში.

ქართული კულტურა ევროპული განვითარების გზაზე (XIX ს. პირველი ნახევარი)

„სახელი და დიდება მეცხრამეტე საუკუნისა ის არის, რომ უხვი
მოსავალი მოგვცა ნათესისა. იმდენად უხვი, რომ მოულოდნელი იყო
ჩვენთა წინაპართათვის“, — ასე შეაფასა ილია ჭავჭავაძემ XIX ს.
მნიშვნელობა ჩვენი კულტურის ისტორიაში. მთავარი და ძირითადი,
რაც შემკვიდრებით ერგო საქართველოს, ეს არის მტიციე, ჯანსაღი
ეროვნული თვითშეგნება, ქრისტიანულ ფასეულობათა იმედით აღსავსე
რწმენა, რამაც ჩამოაყალიბა „საქართველოს ზნეობანი“, მისი კულტუ-
რული იერსახე. მიუხედავად პოლიტიკური დაქსაქსულობისა, დიდი ტე-
რიტორიული დანაკარგებისა, მუსლიმური კულტურის გავლენისა და
მისი მოჭარბებისა, შენარჩუნებულ იქნა ქართველობის ცნება, ქართუ-
ლი კულტურის ერთიანობის იდეა, რომლის იდეოლოგიურ საფუძველს
მართლმადიდებლობა და მის წიაღში შობილი ქართული დამწერლობა
წარმოადგენდა. მიუხედავად ძნელებდობისა, მაინც „შეიქმნა ქართვე-
ლობა“. თავისი მოწოდების სიმაღლეზე აღმოჩნდა სწავლა-აღზრდის,
განათლების ტრადიციული სისტემა. მწერლისა და საზოგადო მოღვაწის
ა. ორბელიანის (1802—1869 წწ.) თანახმად, „ძველი სწავლა ჩვენი
ქართველებისა“ ყოფილა ზრდილობა, უფროსების პატივისცემა, ღედ-
მამის მორჩილება, სასულიერო და საერო განათლება, საერო და სალ-
მრთო წერილების კითხვა. გავრცელებული იყო ხალხური სპორტის
ისეთი სახეობები, როგორცაა ცხენოსნობა, შუბის ტყორცნა, ფარიკა-
ობა, მოისრობა და სხვა, რაც ახალგაზრდობის სამხედრო წრითობას
ემსახურებოდა. საერო თუ საეკლესიო დღესასწაული, დღეობა წარ-
მოუდგენელი იყო სპორტული შერკინებების გარეშე.

მიუხედავად ევროპისაგან მრავალსაუკუნოვანი იზოლაციისა, ქარ-
თელობა დასავლური კულტურის შემადგენელ ნაწილად რაცხავდა თავს
და ყოველთვის ეძიებდა ევროპასთან დაახლოების გზებს. დიდი მნიშ-
ვნელობა ჰქონდა ამ მიმართულებით კათოლიკე მისიონერების კულტუ-
რულ-საგანმანათლებლო მოღვაწეობას საქართველოში. მწერლის, მთა-